

鳳山書院藏板

太谷縣志

鳳山書院藏板

重修太谷縣志序

宮保威毅伯湘鄉曾公撫晉
之三年歲稔民和治具畢
舉乃奏修山西通志既奉
俞旨下檄州縣令各續志乘以
備採擇時余權篆崞陽曾

與編纂之役越四年甲申
承乏是邦簿書之餘與都
人士語及續志蓋脫稿久
而尚未開雕也亟索稿閱
之喜其義例不蕪詳簡適
當爰與諸君謀付剞劂功

將竣請序於余余惟志乘
之作上焉者固以備史牒
之徵而其次則吏治之得
失風俗之維持係焉先是
丁丑戊寅間三晉酷遭災
歉赤地千里道殣相望

太谷縣志 卷首序

二

威毅伯首率羣僚加意賑
卹請

帑請粟諸疏絡繹於道民困
賴以少蘇既而轉歉為豐
閭閻幸即安堵謂是二百
餘年所無也故有續修志

乘之舉牧民者手此一編
觸目警心借資考鏡戶口
日繁也將何以鞠謀而保
聚之文獻或替也將何以
潤色而振興之財賦宜均
徭役宜省也將何以調劑

而裁汰之施行措正於是
乎存則其補益吏治豈淺
鮮哉且夫數十年來忠孝
節義之流傳仕宦科名之
鼎盛莫不麟麟炳炳焜燿
簡編後人景仰前徽有不

油然而動其天真勃然而發其志氣者乎風俗之休和未始不於此基之抑余猶有進者鳳山象水之間向稱殷富今則稍遜矣求其致此之由而又鑒於前

此灾歉之困苦顛連而豫為計相與重農桑務勤儉豪華侈麗之習將有不能復染者此又凡為司牧之責而所厚於邦人者也余自蒞茲土寒暑再周愧無

建樹然未嘗不深自惕勵
因體諸君殷懇之意勉弁
一言益以自勗而并為士
民勸焉

光緒十有二年歲次丙戌
秋八月

太谷縣志

卷首序

五

賜同進士出身同知銜知太谷
縣事清豐趙冠卿序

重修太谷縣志序

余自咸豐辛酉入都供職越同治丙寅出守湘南自是而蜀而滇抗塵走俗者垂二十年睽懷桑梓寤寐以之今歲仲春由驛遞到 侯滇生邑侯函以重修縣志將次告竣屬余爲序萬里馳書詞謙意厚曷敢以不文辭謹按志者史之一體周禮小史掌邦國之志今

國史一統志是也外史掌四方之志今直省通志及府州縣志是也漢以前如周志鄭書之屬其亡久矣班

太谷縣志

卷首 序

氏固因史記八書爲十志地理居其一范蔚宗改名郡國實與地理無殊而郡國書稱志則自晉常璩華陽國志始也古方志之存者若唐元和郡縣志宋元豐九域志皆專志地理樂史太平寰宇記乃及人物藝文自後踵事日增凡天文五行食貨職官選舉之類莫不具備是志也而兼全史矣史專紀一代志則上下數千年別部分門貫串該括是志也且兼通史矣近世作者矯蹈常襲故之弊多易名目以矜古雅曰紀曰典曰書曰錄曰畧曰攷曰傳曰記於正史之

外併別史雜史之體莫不兼之名與實殊不相稱陸氏隴其志靈壽改府志之表紀志傳統謂之志儒者之審於義法也抑考古之志郡邑者若宋之澠水志元之齊乘明之朝邑武功志皆以簡要取貴於世然於古今事變政典興革民生吏治利病得失之所關不免疏略經世者其奚賴焉近世通儒若李氏紱臨川志錢氏大昕鄞志李氏兆洛鳳臺志並主詳贍蓋以郡邑所施行必徵方志故必擇精語詳不容有所偏廢也太谷縣志前代舊本久佚入

太谷縣志

卷首序

二

國朝以來一修於雍正己酉再修於咸豐乙卯自乙卯至今未及三十載然吾晉自大禘以後丁徭戶口互有缺失山川雖仍其舊而事蹟倍增於前今 邑侯奉檄重修銳然自任既率公正紳耆廣加採訪復以鄰邑王小園孝廉具良史才延主纂輯遂獲成編余遠宦南天雖未得覽其條目然聞 邑侯自下車以來盡心民事整頓士風今於志乘一書又復兢兢將事余知不支不漏詳略得宜於史家體例當必有合也惟冀自茲以往士奮詩書農安畝鼠牙不事厖

吠無驚行見鳳山象水之間人才蔚起文章行誼可
以接踵前賢庶不負 賢侯蒐討之勤並可備太史

輶軒之採是則余與邑人士所當共勉者耳昔

光緒八年歲次壬午仲春既望兵部侍郎兼都察院
右副都御史雲南巡撫翰林院編修邑人杜瑞聯序

雍正七年修太谷縣志舊序

封建遠而史湮史湮然後志作今之志古之史也
州縣合之郡郡合之藩詳定考實合之宗伯是志
雖始於郡縣而籍則掌於

天府凡疆域道里山川物產里數戶口兵刑錢穀有
關於民生日用會計幽明禮樂之數足爲政治之
權衡者皆具其中一有取舍斂散則按圖而考以
及古今人傑載垂不朽激濁揚清可以曠世而相
感蓋煌煌鉅典也自浮夸始於左氏後之作者無

太谷縣志

卷首 舊序

一

論寡陋舛鄙使天地之英華山川之輝媚名物象
數之森羅政教名碩之芳蹟閉塞湮鬱而不宣卽
有博學廣淵苦心掇拾之彥逞芬華於繡頰鋪葩
麗於鋒穎揚徽失實得半誇全使百世而下憑弔
往古無足徵信幾欲取傳書而置之嗚呼邦國有
志用以傳信斯安在其傳信也歲己酉余膺

簡命來涖茲土甫及半載恭遇

皇上命儒臣纂一統志大中丞石公藩憲蔣公纂山西通
志徵各屬郡邑志以備採擇爰有重修縣志之役

予乃敦請鄉縉紳先生進士武君一韓等共襄厥
事披覽舊章詳加考証夫惟山川形勝固千秋不
改無容增損矣他如民情習尚之變遷宮室坊里
之興廢雖事屬瑣屑實廢名存亦必詢採綜輯纖
悉不遺若人物爲風俗之本綱常關名教之大在
昔賢人君子有懿行昭垂芳名布冊按其境則事
無可蹟籍無可考者仍依原本鐫錄蓋善善欲長
之意也更有今爲荆榛邱阜蒙密蔽翳蟲虺狸鼠
之所棲而昔賢曾憩芟而過歷之者不妨旁搜廣

太谷縣志

卷首 舊序

二

証以顯其踪蓋記德不厭詳足以新後世之耳目
使人震於其名而慕之也至數十年來忠孝節義
不乏著見矢公矢慎闡幽表微雖烜赫不爲假借
雖側陋亦與顯揚藉使評衡有爽不惟爲輿論所
譏而賢人君子義士節女之英魂烈魄蓋有伏怨
於冥冥者敢以一語之誕謬爲千秋榮辱之倒置
哉爰分門別類編次成帙凡爲卷八爲目三十錄
呈上憲用副鉅典復命剗剗俾後之蒞茲土者開
卷瞭然按其規模乘權而布之釐定因革流以惠

愷謂非勸勸治理之一助乎是爲敘

雍正七年歲在屠維作噩律中無射之上浣文林
郎知太谷縣事辛卯科舉人三韓王廷贊又襄氏
譔

太谷縣志

卷首 舊序

三

雍正七年修太谷縣志舊序

志以識郡邑之事郡邑之文獻也合禹貢職方周官而爲書經之緯之如輪之貫輻而紀之屬綱舉上下數千百年之蹟釐然備具於尺幅之中故作者不輕而行者可遠谷邑舊有錄本未有志志自明萬歷丙申始草創缺略居多蓋創始者難爲工理固然也洎

國朝順治乙未仍翻刻舊本於

鼎興以來事蹟另闌入一冊一書而二之體裁又甚

太谷縣志

卷首 舊序

四

不倫參考互訂梓爲成書若有待焉恭逢

聖天子踐祚之七年命儒臣纂一統志用紀久道化成之

休爰昭海宇昇平之烈大中丞石藩憲蔣採訪名公纂山西通志因下修府州縣志之檄邑侯王公屬余共襄厥事余惟紀載有體志之體史之翼也遷之記固之書尙論者以爲瞻而不華詳而有體而志可知矣志必結撰謹嚴爲一邑不刊之典與夫語林說部山海齊諧之辨博該奇不同故無取溢溢則徒飾輪轅難美觀聽亦無取一有審則瑣聞

隅見未廓町畦於義均無當焉爰廣蒐博採得前輩杜鳳麓先生遺稿先是康熙甲寅奉憲頒體式纂修成帙未授梓而中止余見其斟酌盡善詳略得宜宛若班馬家法因按行校讎稍加刪定脫舊稿而增其所未備雖學問識力萬不逮前人而區區之心矢公矢慎不輕譽一人亦不濫入一事有可告無愧於天地鬼神者三越月而厥事竣焉凡爲卷八爲目三十而山川疆域風土人情與夫禮樂兵農忠孝節義莫不釐然備具於尺幅之中異吏治民生未必無少裨補云

賜同進士出身候選知縣邑人武一韓謹序

太谷縣志

卷首 舊序

五

乾隆四年修太谷縣志舊序

古無所謂志自伯翳撰山海經識靈祇異域及禽獸木石諸狀文綦古矣然多駭而不經禹貢一書釐山川形勝綜田賦物產而上下之詞約旨該其志之鼻祖乎周禮仿其意有職方氏班孟堅作漢書有地理志厥後國有通志郡邑有郡邑志皆得詳其圖籍藏之政府以爲總覽天下之大綱志非守土者之要書哉余自辛亥歲來宰是邦覩鳳山之嶙峋象水之激灑車服文物之清奇其士人重

太谷縣志

卷首 舊序

六

廉恥尚節義男務耕女務織勤儉致殷阜卽一絲一粒重而積之得未曾有輒喜動顏色曰美哉其有陶唐氏之遺風乎因索邑乘觀之適前此涖茲土者爲吾族兄又襄公於己酉歲奉檄重修縣志已編次成帙矣披閱數過所謂地理天星山川形勝戶口丁徭田畝賦役及風景人物疆圉關隘等項俱分門別類編輯周至成一完書余亦何敢復贅一辭第當時僅繕藁本而又襄公旋以才能調任西陲正所謂莫爲之後雖盛弗傳者且自己酉

迄今十有餘年未經編輯之事蹟例應增入者不
少爰是參舊校新酌古準今如錄節孝雖窮簷編
氓一善不遺考藝文合人心世道者方載至戶口
繁庶人文蔚蒸科第蟬聯視昔有加總事求切實
無借鉛華以無負前人仿古作志藏諸政府之遺
意雖不敢謂詳略得宜斟酌盡善用以贊揚治化
鼓勵風俗其庶幾乎亟命剞劂告竣余自揣難免
續貂而又襄公重纂之盛舉乃相與有成矣志成
而所以爲志者不在虛文而在核實余涼德雖日

太谷縣志

卷首 舊序

七

以地方民生爲念恐多未逮惟願後之涖茲土者
睹斯志而重念民物風俗愛養教誨俾士人毋喪
廉恥毋忘節義男毋輟耕女毋廢織毋勤而忽惰
毋儉而忽奢卽市廛之中商民錯雜毋遊戲狎玩
則谷民始終有陶唐氏之風家殷戶阜而樂利無
疆之休以世世享

聖天子昇平之福者舉不外是編而得之孰謂邑乘之無

補於治哉是爲序

乾隆四年歲次己未六月穀旦文林郎知太谷縣

事潞陵王澤沛作霖氏撰

太谷縣志

卷首 舊序

八